

醫學辨害



醫酉學辨害

貞函

五十二

醫學辯害卷第十二

南紀弱山

宇治田雲菴著

藥劑類

藥劑總論第一

凡醫日用是卽方劑其方有七方曰大小緩急
奇偶複其劑有十劑曰宜通補洩輕重澀滑燥
濕欲知其義詳見載籍七方假如曰大方有
有君一臣二佐九之大方病有兼證而邪不一
不可以一二味治者宜之有分兩大而頓服之

大方肝腎及下部之病道遠者宜之十劑假如
日宜可去壅生薑橘皮之屬是也又曰外感六
淫之邪欲傳入裏三陰實而不受逆于胃中天
分氣分室塞不通而或噦或嘔所謂壅也三陰
者脾也故破氣藥如薑橘藿香半夏之類瀉其
壅塞又曰春病在頭太法宜吐是宜劑卽涌劑
也又曰宜者升而上也以君召臣曰宜是矣凡
風瀉中風胃中諸實痰飲寒結胃中熱鬱上而
不下久則嗽喘滿脹水腫之病生焉非宜劑莫

能愈也吐中有汗如引涎追淚嚏鼻凡上行者
皆吐法也其餘不遑舉之唯各言一而已且立
方調劑至爲服用其間始終可兼知不少單行
相須相使相畏相惡相反相殺之情酸苦甘辛
鹹淡之味寒熱溫涼良獷之性熱因寒用寒因
熱用通因通用塞因塞用之法製造有依病分
兩有輕重用永有多少取水有諸法火勢有文
武煎煮有生熟丸散湯酒各有所宜是也其義
亦詳見載籍欲知者當就而考焉古醫勤學明

知其義立方調劑則無不對證欲用古方則易
覺其旨藥品加減分兩增損皆得宜而不失本
體至煎煮服用不可無盡教故病無不愈可謂
良醫也今醫無學者未曾有知之有學者多知
之雖有知而不明不明則不能立方調劑用古
方亦多有失本體故世有新立方者是恐不明
而有所誤也今有立方而不用古方予親見其
醫反而無學可謂盲人不畏蝮蛇也嗚乎妄作
莫甚于此矣予憶欲新立方明知其義先久習

用古方醫熟之後當立是從古方而出新方如
平日所用以不危故商輅曰始於用方而終至
於無俟於方夫然後醫之道成矣伯子曰入方
之內而遊方之外易曰方以知又曰神無方果
且爲有方乎哉果且爲無方乎哉無方而有方
有方而無方其斯大醫之門蹈道之徑也二家
之言至矣盡矣然則未熟者當用古方而況無
學者乎若妄立方無不害人其害非總論所詳
辯故別立論而爲次焉

不用古方論第二

張潔古曰運氣不齊古今異軌古方新病不能
相同也自爲家法趙繼宗曰古人立方乃因一
時一人之病後世恐醫差誤要依古方醫人畏
忌以執方治病爲能但今人之證與古時之方
其間男女大小輕重淺深豈能一一相合況其
中或有不依本草經卒意立方者故其治病少
効必須藥不執方只依本草經臨病對證而用
藥爲當也世稱知藥性者莫如東垣嘗考東垣

誤以爲古人或卒意立方是誠不依本草經豈
非不思之甚乎劉河間曰妄言時世之異以爲
無用而多不習焉王安道曰甚則持爲文具又
甚則束之高閣而謂其法宜於昔而不宜於今
由治亂動靜之殊戴叔能曰甚者至於屏棄古
方附會臆見展轉以相迷而其爲患不少矣皆
是所以悲不用古書古方也凡著書救後世者
便因有仁愛之心故欲無卒意而誤人必無不
丁寧反覆雖然其道甚弘其事甚多偶有不覺

而爲卒意如謂有各半之意是也名醫尚如此
而況不名醫乎後世學者自盡明察捨其誤而
用其不誤可謂是能好古者也若泥其誤而捨
其不誤世無可用之書又無可用之方矣夫人
之爲病古今多無異大抵爲治宜用古方唯其
加減宜合於時二家全以捨古方是不能好古
者也若有因時世而不對宜新立方而合其變
苟欲新立方者孰翫本草內經如病態脉狀藥
性能毒及七方十劑七情君臣佐使引經等法

咸明而當爲得其道也。若不得其道以立方，不可無誤而害人。故王汝言患其害，曰：東垣、丹溪之書大行于世，今之醫者見其不用古方，率皆倣襲輒自製方治病，藥性不明，處方無法，鹵莽亂投，反致變證多端，遂難識治。若非平日熟讀本草，深究內經而輕自製方者，鮮不誤人也。予今不見有_下一如東垣、丹溪之醫，動輒曰：古方不宜於今而多害，人是皆非_二一家之咎_一乎？商輅曰：醫者意也。如對敵之將，操舟之工，貴臨機應變。

方固難於盡用然非方則古人之心弗傳茫如
望洋如捕風必有率意而失之者矣方果可以
不用乎雖然方固良矣然必熟之素問以求其
本熟之本草以究其用熟之診視以察其證熟
之治療以通其變始於用方而終至於無俟於
方夫然後醫之道成矣商氏此言爲至當之論
悲哉今世無如此達人也許學士曰予讀仲景
書用仲景法然未嘗守仲景之方丹溪見此言
以爲得仲景之心矣蓋醫立方出於法法方共

本出於心苟得心用法卽爲用其方故許氏謂
未嘗守而不謂未嘗用是究竟不捨古方者也
羅太無曰用古方治今病政如折舊屋揆新屋
其材木非一不再經匠氏之手其可用乎是又
不捨古方者也丹溪引此許羅二氏之言以爲
全捨古方之證是未能詳矣然則其不知常而
全捨古方是大不可者也其不知變而全用古
方亦是不可者也常變兩知而醫云乎

藥方不能得効論第三

凡藥方對證而不能得効其害所以有三家之失也蓋藥其產有土地其採有時節其揀有新故其修有法度一忽則性味不全不全則不能得効是賣藥家之失也又有優劣真贗擇藥而蓄有加減製造從時而宜有禁忌煎服從方而教一忽則功用不全不全則不能得効是醫家之失也又不知犯禁忌而自致傷或不知前醫藥毒生變或不知與瞑眩之藥或不知煎服違醫教或不知病重而藥力未到初如不應則不

強用不強用則不能得効是病家之失也若一
家有失則藥不能得効而況三家二家共是有
失乎羅謙甫治一疾不痊疑藥之未對謙甫爲
審視已真自信其方不悖遂專用之竟莫効旣
而悟曰此等品味非採不以時則產非其地徐
爲自擇精辯之仍前方服得全愈此初不能得
効繇無產地採時之擇是卽賣藥家之失也昔
宋南陽太守盛次仲有疾醫用小柴胡湯爲散
連進三服胃滿召朱肱肱曰小柴胡湯煎清汁

服之能入經絡攻病取快今乃爲散滯在膈上
宜乎作滿因煮一劑與之頓安此初不能得効
繇前醫製造不宜是卽醫家之失也朱丹溪治
趙立道患滯下年近五十質弱而多怒七月來
暑大飢索飯其家不能急具因大怒兩日後得
滯下病口渴自以冷水調生蜜飲之甚快滯下
亦漸緩如此五七日召丹溪視脉稍大不數遂
令止蜜水渴時但令以人參白朮煎湯調益元
散與之滯下亦漸收七八日後覺倦甚發訖丹

溪知其因下久而陰虛也令其守前藥然滯下
尚未止又以煉蜜飲之如此者三日吃猶未止
衆皆尤藥之未當將以薑附飲之丹溪曰補藥
無速効附子非補陰者服之必死衆曰冷水飲
多得無寒乎丹溪曰炎暑如此飲涼非寒勿多
疑待以日數力到當自止又四日而吃止滯下
亦安此初不能得効而尤藥之未當繇不知病
重而藥力未到是卽病家之失也昔日如此之
輩甚多不暇盡言之是欲略言其既所然而證